

SCRIPT OF EVENING GOJRI NEWS BULLETIN 10FEB 2025

1700HRS

اوننگ گوجری نیوز بولیٹن 10 فروری 2025

یوہ آکاشوانی جموں بے محمد صفیر تے نصرت تیں خبر سَنو۔

۱۔ وزیر اعظم نریندر مودی نے پرکشا پہ چرچا غا اٹھواں شمارہ مانہہ طلباء سنگ گل بات کرتا
واں صحت مند رہن واسطے غذائی خوراک لین کی تاکید کی۔

۲۔ سرکار نے سیاحت نانہہ فروغ دین کی کاظر ۷ نواں سیاحتی مقامات جن مانہہ ۴ کشمیر تے
۳ جموں گا مقامات شامل ہیں ور سکیننگ غی سہولت گو جائیزو لین گو جائیزو لین غو عمل
شروع کیو ہے۔

۳۔ صدر جمہوریہ محترمہ دروپدی مرمو نے پریاگ راج مانہہ مہاگنہہ گا مقدس موقع ور ڈبکی
لائی۔

۴۔ محکمہ موسمیات نے جموں کشمیر مانہہ آئیندہ ۲ تہاراں مانہہ ہلکی بارش تے برف باری
ہون گی پین گوئی کی ہے تے رواں سال مانہہ بارش غی کمی رہی ہے۔

PARIKSHA PE CHARCHA

وزیر اعظم نریندر مودی نے اس سال سندر نرسری دلی مانہہ اپنا مقبول پروگرام پرکشا پی
چرچا گا اٹھواں شمارہ مانہہ ملک بھر گا طلباء سنگ گل بات کی اس دوران انہاں نے طلباء
نانہہ تاکید کے ہے وے کسے وی ڈر چیک گے بغیر آئے روز پیش آن آلی للکاراں گو سامنو
کرن واسطے اپنا آپ نانہہ تیار کریں وزیر اعظم نے کہیو۔ اس موقع ور وزیر اعظم نے صحت
واسطے باجرہ تے سبزیاں کی اہمیت ور وی لو کہلی۔ انہاں نے اظہار کیو ہے حقیقی تندرستی
بیماری کی غیر موجودگی مانہہ ہی ممکن ہے تندرستی واسطے مکمل نیند کرن تے صبح کی
سیر کرن غی اہمیت وی آجاگر کی یاد رہے وزیر اعظم نے طلباء نانہہ اپنا جذبہ کی تلاش
کرن تے اُس گو پیچھو کرن کی وی تاکید کی تے بہتر توجہ واسطے مراقبہ کی مشق کرن گو
وی مشورو دتو۔

JK TOURISM

جموں کشمیر مانہہ حکومت نے سیاحت نانہہ فروغ دین واسطے ۷ نواں سیاحتی مقامات ور
سکیننگ غی ممکنہ سہولت غو جائیزو لین غا عمل شروع کردتو ہے ان وچوں ۴ مقامات
کشمیر غا ہیں تے ۳ جموں غا ہیں کشمیر غا نواں سکیننگ مقامات مانہہ سونا مرگ دودھ پتھری
توشمیدان تے بنگس شامل ہے جدکہ جموں مانہہ سرتھل سناسر پتئی ٹاپ تے بدرواہ نانہہ
منتخب کیو گیو ہے جموں کشمیر غی کیبل کار کمپنی اس جائیزہ غی نگرانی کر رہی ہے جس
مانہہ سیاحاں کی تعداد برف باری غو وقع تے ڈھلان غو جائیزو لیو جارہیو ہے۔ ان ہی نتائج
غی بنیاد ور ان نواں مقامات ور ضروری سہولت فراہم کرن غی منصوبہ بندی کی ہے غی سال
۲ ہزار ۴۲ غا اریکارڈ غے مطابق ۹۲ لکھ ۵ ہزار سیاحاں نے جموں کشمیر غو دورو کیو
ہے۔

SEMINAR

جموں یونیورسٹی کا شعبہ اردو نے جموں کشمیر اکیڈمی برائے فن و ثقافت کے لسانیات نے اردو کے گوجری گے درمیان آپسی تعلق کا موضوع ور یو ٹی سطح کا ۱ روزہ سیمینار گو انعقاد کیو اس سیمینار گو افتتاح جل شکتی کا وزیر جاوید رانا نے کیو اس موقع ور افتتاحی تقریب کی صدارت جموں یونیورسٹی کا وائس چانسلر پروفیسر امیش رائے نے کی اس تقریب مانہہ شعبہ اردو کا صدر پروفیسر شہاب عنایت ملک نے اکیڈمی کا ڈویژنل ہیڈ کے اسکالر ڈاکٹر جاوید رابی وی موجود تھا۔ اس موقع ور وزیر جاوید رانا نے زرائع ابلاغ سنگ گل کرتا وائ اس طرح کہیو۔

REASI INTER PARIKSHA PE CHARCHA

وزیر اعظم نریندر مودی گو طلباء سنگ بات چیت آلو پروگرام پرکشہ پہ چرچا ضلع ریاسی کا ڈی سی دفتر کا آڈیٹوریم مانہہ کامیابی سنگ نشر کیو گیو۔ اس موقع ور متی تعداد مانہہ طلباء اساتذہ کے والدین نے امتہان گے دوران پیش آن آلا دبائع نانہہ دور کرن کے امتحان مانہہ بہتر کارکردگی بارے جانکاری حاصل کی۔ ضلع مانہہ اس پروگرام گو انعقاد ضلع انتظامیہ ریاسی کے محکمہ تعلیم کا اشتراک سنگ کیو گیو۔ پروگرام گو اختتام طلباء کی طرف تیں اک اجتماعی قرار دار سنگ ہویو جس مانہہ ان نے امتحان نانہہ اعتماد کے مثبت انداز مانہہ لین نانہہ قبول کیو۔

ANNOUNCEMENT

علاقائی خبراں آلو شعبو آکاشوانی جموں کی طرفوں ضلع کٹھوعہ واسطے عارضی نامہ نگاراں یعنی پی ٹی سی گو پینل بنان غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیرا ضلع کٹھوعہ غا بسنیک وین کے اُن غی عمر غی حد ۲۲ براں تیں ۰۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلومو یاہ صحافت غا شعبہ مانہہ ڈگری یاہ فر کسے وی تسلیم شدہ یونیورسٹی تیں گرجیشن غے ہمراہ ۲ براں غو صحافت مانہہ تجربو مقرر کی گئی ہے۔ اس توں علاوہ کمپیوٹر کے وڈ پروسیسنگ نالے خبر اکٹھی کرن آلا آلات کے میڈیا کوریج مانہہ تجربو وی ضروری رکھیو گیو ہے عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وے ضلع صدر دفتر کٹھوعہ یاہ اس تیں ۰۱ کلو میٹر غا دائیرہ غے اندر رہائش پزیر وے۔ اس سلسلہ مانہہ درخواست غی ہاڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہہ بڑات خودد آئندہ ۵۱ فروری توڑی دینی ویگی۔ اس بارے مزید ور دستیاب ہے۔ www.newsonair.gov.in جانکاری ویب سائٹ

PREZ MAHAKUMBH

صدر جمہوریہ دروپدی مرمو نے چل رہیا مہاکنبھ مانہہ ترویینی سنگم کا مقام ور ڈبکی لانی اُنہاں نے اس مقام ور گنگا آرتی کی رسم ادا کرگے دعا وی کی اس موقع ور صدر جمہوریہ گے ہمراہ یو۔پی۔ی گا وزیر اعلیٰ یوگی آدتیہ ناتھ کے گورنر آنندیبین پٹیل وی موجود تھا۔ قابل ذکر ہے جے مزکورہ میلا مانہہ متی تعداد مانہہ یاتری کے عقیدت مند شرکت کر رہیا ہیں۔

BIMA SAKHI

بیمہ سکھی سکیم ور ایک آگاہی پروگرام منعقد کیو گیو جہیڑی بھارت غا وزیر اعظم غی طرفوں شروع کی گئی تھی یوہ پروگرام ڈوڈھ غا نائیپ کمشنر ہرویندر سنگھ غی قیادت مانہ منعقد ہوو۔ یوہ پروگرام آل آنی سی غی ڈوڈھ آلی شاخ غی طرفوں منعقد ہوو تھو۔ بیمہ سکھی سکیم نوا موقع فراہم کرے جہیڑی اپنا کاروبار تے برادری غی مدد نانہ فروغ دے۔ اس سکیم غے تحت خواتیناں نانہ انشیورنس محکمہ مانہ شامل کر غے انہاں نانہ باختیار بنایو جاریو ہے۔ اس سکیم غے تحت ضلع ڈوڈھ غی ۵۷ خواتیناں نانہ بیمہ سکھی غا طور ور مقرر کیو گیو ہے۔ اس کواتیناں نانہ تعیناتی غا خطوط نائب کمشنر ڈوڈھ غی جانب تیں دتا گیا ہیں۔ اس موقع ور گل کرتا واں ڈی سی ڈوڈھ ہرویندر سنگھ نے اس طرح کہیو۔ ایک فائدہ مند خواتین نے اس سکیم کا فائداں غا بارا مانہ اس طرح کہیو۔

MIGRANT CAMP

مہاجر کیمپاں کی بہتری نانہ تیز کرن واسطے جموں گا راحت تے بحالی کمشنر ڈاکٹر اروند کروانی غی سربراہی مانہ ایک جائیزہ میٹنگ منعقد ہوئی۔ اس میٹنگ مانہ جگٹی نگر وٹھ مٹھی تے پُرکھو جیسا کیمپاں مانہ جاری مرمت غاکماں کی پیش رفت ور گل بات کی گئی۔ اس موقع ور ڈاکٹر کروانی نے ایک نگرانی کمیٹی بنان غی ہدایت کی تانجے مرمت غا کماں نانہ ترجیح دتی جاسکے تے معیار نانہ یقینی بنایو جاسکے۔ اس تیں علاوہ محکمہ تعمیرات عامہ نانہ ہدایت دتی گئی ہے جے مالی سال ۲ بزار ۶۲.۵۲ واسطے مستقبل غا منصوباں کی تفصیلی رپوٹ تیار کریں۔

PARA ARCHERY

پیرا تیز اندازی ایشیا کپ کھیڈ تھانی لینڈ بنکاک مانہ منعقد ہوئیو۔ جس مانہ کالسریاں گا کمپاؤنڈ اوپن زمرہ مانہ بھارت غی تیز انداز سریتا نے سنگاپور کی نور سیدہ عالم نانہ بر غے سونا گو تمغو اپنے ناں کیو ہے۔ سریتا نے یوہ مقابلو اج دوہیر ویلے ۲۴۱ تے ۳۴۱ غا قریبی فرق تیں جتیو۔ یاد رہ جے اس تیں قبل کانسہ تمغہ کھیڈ مقابلہ مانہ تیر انداز جیوتی نانہ سنگاپور کی ٹیوڈورہ آڈی یودانی فرلی نے ۵۳۱ تے ۶۳۱ یونت گا قریبی مقابلہ مانہ شکست دتی تھی۔ اواں اک بور مقابلہ مانہ مردان گا ڈبلیو زمرہ مانہ بھارت گا عادل محمد نظیر انصاری نے ہانگ کانگ گا من تانی یونگ نانہ شکست دے غے کانسہ غو تمغو اپنے نانہ کیو ہے اسے مقابلہ مانہ تھانی لینڈ گا سپہاؤٹ نے سونا گو تمغو تے چین گا چیا سنگ نے چاندی گو تمغو اپنے نانہ کر غے کامیابی حاصل کی ہے۔

WEATHER

محکمہ موسمیات غے مطابق اگلا ۲ دنان مانہ جموں کشمیر مانہ ہلکی بارش تے برف باری ہون غا امکان ہے خاص طور ور کشمیر مانہ اج تے کل موسم تھوڑو بدل سکے۔ تے کُجھ جگہاں ور ہلکی بارش تے برف باری ہوسکے۔ اس تیں بعد ۲۱ تیں ۴۱ فروری غے درمیان موسم صاف تے خشک رہن غی امید ہے تے ۵۱، ۶۱ فروری نانہ موسم ابرآلود رہ غو تے رُک رپک غے ہلکی بارش تے برف باری ہوسکے۔ اس سال غی سردی کُجھ مختلف ہی رہی۔ رات ٹھنڈی تے دن گرم محسوس ہوا ہیں تے نال ہی بارش وی کہٹ ہوئی ہے۔ جنوری مانہ بارش ۷۸ فی صد کہٹ ریکارڈ کی گئی ہے۔
